



23/20
28.10.2020 год

Broj: 04-02-1-2146-2/20
Mostar, 26.10.2020.godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU „CENTAR ZA NAPREDNE TEHNOLOGIJE U SARAJEVU“
Vilsonovo šetalište br.9
71000 Sarajevo
Mail: info@cnt.ba

PREDMET: Mišljenje
Veza: Vaš mail od 22.10.2020.godine

Poštovani,

Na osnovu člana 92. stav (3) tačka d) Zakona o javnim nabavkama («Službeni glasnik BiH» broj 39/14), Agencija za javne nabavke, u cilju osiguranja pravilne primjene zakona, pruža tehničku i savjetodavnu pomoć i ugovornim organima i dobavljačima u vezi s primjenom i tumačenjem odredbi zakona i podzakonskih akata, kao i detaljima iz Vašeg upita, daje slijedeće mišljenje:

Članom 15.stav (1) zakona o javnim nabavkama (u daljem tekstu:Zakon) definisano je da ugovorni organ zasniva računanje procijenjene vrijednosti ugovora o javnoj nabavci na ukupnom iznosu koji će platiti, bez poreza na dodatu vrijednost (PDV).

Na osnovu procijenjene vrijednosti javne nabavke, ugovorni organ određuje vrstu postupka javne nabavke koju će provesti za predmetnu nabavku. Primjena pregovaračkog postupka bez objave obavještenja iz člana 22. stav (1) tačka a) Zakona definiše da se ova vrsta postupka može primjeniti kada je roba koja se nabavlja proizvedena isključivo u svrhe: istraživanja, eksperimentiranja, proučavanja ili razvoja; ova odredba ne odnosi se na serijsku proizvodnju, s ciljem ostvarenja zarade ili nadoknade troškova istraživanja i razvoja. Međutim, važno je naglasiti da u slučaju primjene ove vrste postupka, potrebno je budu ispunjeni svi kumulativno postavljeni uslovi, koje ugovorni organ mora biti u mogućnosti dokazati. Stoga smo mišljenja da u situacijama kada postoji dilema, primjena jednog od transparentnih postupaka javne nabavke je pravilan izbor. Posebno imajući u vidu činjenicu da je članom 69. stav (2) tačka a) Zakona definisano da ugovorni organ obavezan je poništiti postupak javne nabavke u slučaju da nije dostavljena nijedna ponuda u određenom krajnjem roku. Odnosno, ugovorni organ će zaključiti ugovor i u slučaju da ima samo jednu prihvatljivu ponudu.

Naime, sistem javnih nabavki u Bosni i Hercegovini je visoko decentraliziran, te shodno tome ugovorni organi u postupcima nabavke imaju proaktivnu ulogu, samostalno pripremaju tendersku dokumentaciju i provode postupke javne nabavke, te prema tome snose odgovornost za provedene postupke, odnosno donesene odluke.

Vežano za Vaše pitanje koje se odnosi na plaćanje prema dobavljaču koji nije iz Bosne i Hercegovine, Agencija za javne nabavke nije nadležna. Međutim, važno je da u Vašoj tenderskoj dokumentaciji naznačite da ponuđač izražava cijenu ponude u konvertibilnim markama (KM), a u drugoj valuti samo ako je ugovorni organ to izričito odredio u tenderskoj dokumentaciji, u skladu sa članom 14. stav (1) Uputstva za pripremu modela tenderske dokumentacije i ponuda („Službeni glasnik BiH“ br.90/14 i 20/15). Također, ukoliko ugovorni organ dopusti da se cijena ponude može dostaviti i u drugoj valuti, potrebno je da naznači i na koji način i sa kojim datumom će vršiti preračun u KM.

S poštovanjem,

Dostaviti:

- Naslovu,
- a/a

